



12. august 2011

EM 2011/121

Inatsisartut suleriaasianni § 33 malillugu matumuuna aaliangiiffigisassatut siunnersuut imaattoq nassiunneqarpoq:

Inatsisartut aalajangiffigisassaattut siunnersuut Naalakkersuisut pisussaatinneqassasut timmisartussinissamik Namminersorlutik Oqartussat isumaqatigiissutigisartagaat 2012-umi neqeroorutigineqalerpata ukiunut qulinut atuutussanngorlugit isumaqatigiissusiortoqassasoq. (Inatsisartuni ilaasortat Knud Kristiansen aamma Siverth K. Heilmann, Atassut)

Tunnqavilersuut:

Namminersorlutik Oqartussanut aningaasatigut sipaarfiussaaq sullissinissamik siumaqatigiissutit sivisunerusumut isumaqatigiissutaasalerpata, tassami Naaminersorlutik Oqartussat sulissarsiusinerit akisuut ukiut qulikkarlugit ingerlanneqartalissammata. Sullissinissamik isumaqatigiissutit sivitsornerat aamma Namminersorlutik Oqartussanut inuuttaasunullu toqqissimanarnerulissaaq sumiiffinni pineqartuni timmisartuussisarneq qulakkeerneqartassamat.

Sullissinissamik isumaqatigiissutit sivisuukkaarlugit isumaqatigiissutaasartussat Namminersorlutik Oqartussanut aningaasartuutaasinnaasussat annikillisinneqarsinnaapput sullissinissamik isumaqatigiissutit isumaqatigiissutiginerini eqaatsumik periuseqartoqarpat.

Isumaqatigiissutit sivitsornerisigut sullissisussat nutaanik atortutaarnissaminut periarfissaqalissapput, ukiunilu arlaqartuni nalikilliliisoqarsinnaalissalluni. Taamaalilluta neriuutigisinnaanngussavarput sullissisut aningaasaliinissaminut sivisunerusumik periarfissaqalissammata. Taamaaliornerup atuisunut iluaqutaassaaq, aamma sullissisut periarfissaqalissapput, Namminersorlutik Oqartussat siunissami atortunut tunngasuni piunasaqataat naammasinnaanngor-nissaannut.

Tamatuma saniatigut sullissilerumaartussat sullissinissamik isumaqatigiissutit sivisunerusumik atuuttut pilerinarnerussapput, sullissisussarsiornermi akisuujuvoq, suliassarlu pissarsiarigaanni suliassamut piffissaqarluarluni piareersasinnaanermut. Naatsorsuutigaanni sullisiinissami isumaqatigiissummut akiliut ukiumut taannaajuaannarpat, aallartinnsisamut piareersarnermut aningaasartuutit ukiumi ataatsimi arlalinniluunniit sullissisagaanni taanaaginnassaaq.

Aningaasatigut allaffissornikkullu pisortanut kingunissai suuppat?

Qulaani allaaserineqareersutut sullissinissamut isumaqatigiissutit sivisuumik atuttarpat pisortanut aningaasatigut kinguneqartussaavoq, tassami Namminersorlutik Oqartussat sullissinerup pitsaassusissaanik eqaatsumik naleqqussaasinnaammata, akiliutissallu aalajangigaassallutik. Illua-tungaatigulli sullissinissamik isumaqatigiissutit sivisuumik atasussat aningaasatigut iluaqutissartaqarput, tassami sullissisussarsiortarneq Namminersorlutik Oqartussanut akisuujusarmat.

Aningaatigut allaffissornikkullu namminersorlutik inuussutissarsiuteqartunut kingunissai suuppat?

Sullissinissamik isumaqatigiissutit sivisuumik atuuttartut sullissisunut aningaasatigut iluaquteqassapput, periarfissaqalissappummi piffissamut sivisuumut atortunut aningaasaliisinaanngussammata, akikilliartuartaartitsinerlu qulakkerneqarsimassalluni. Sullissisussanut aamma iluaqutitaqassaaq sullissisussarsiortarnerit sullissisartunut aamma akisuujusarmata.

Aningaatigut allaffissornikkullu inunnut ataasiakkaanut kingunissai suuppat?

Aningaatigut allaffissornikkullu inunnut ataasiakkaanut Inatsisartut aalajangernissaat kinguneqassanganneqanngilaq.